

永樂大典卷之八千九十二

十九庚

城

南康府城

南康府志郡城周迴五里二十步舊以土為垣郡守方岳嘗興板築首作五老福星二門未訖役今俱廢

子城周圍一百八十步

開城

南康郡志開城在宋名石塘又名石寨朱文公申狀載云本郡邊臨大江舊有石砌隄防堰住西灣

水汊藏泊舟船每歲錢糧轉運并客商船隻浮江上下並於寨內拋泊或值風濤大作免覆溺之患公私兩便自紹興年間不暇開修逐年風濤衝

擊砌石損動水汊內沙土填塞重載舟船於江心排泊不堪繫纜每有大風震作漂溺人船不得拯救中監司乞募人工修築又於開內浚池引山

泉以備旱歲居民取水甚便監司準申撥官錢一千貫文米

五百石委官檢計工料修築至今石開具存止是砌石損動

石城

太平

御覽鄧德明南康記曰歸美山下有石城高數丈有一門門外有石夾左右高數百丈遠望嵯峨雲闕騰空故老謂之神仙游焉

左

里城

南康志左里城在都昌縣西四十里今左里山城高三丈周迴一百五十步北臨彭蠡湖南連岡阜晉叛寇盧循故柵址也。大

廢興地紀勝左里城晉盧循所築也元和郡縣志云在都昌縣西九十五里盧循為宋祖所敗自蔡州南走還潯陽乃悉力柵斷左里即此也晏

元獻公類要左里廟在都昌縣西四十里吳淑廟記云南唐非泊漫湖感夢後為建祠宇又有揚瀾湖故南曰揚瀾北曰左里彭澤

城

太平寰宇記彭澤城在都昌縣西北一百二十五里其城漢高帝置屬豫章晉陶潛之所理也隋平陳廢舊跡猶在元和郡縣志彭澤城

在都昌縣北四十五里

建昌古城

南康志建昌古城在建昌縣西一百步兩城連屬後帶山阜前枕脩水周迴一

百餘雉古老相傳兩漢之際四境多兵因築城守漢建安中立為西安縣今廢又云縣城太史慈所築西北依岡而設險東南抵湖而峻峙周迴一

里二百七十步四方並高二丈三尺城脚闊二丈深三丈五尺南臨脩水縣東西二百五十里西接武寧東分江州彭蠡湖南北一百九十里縣郭

東西十五里南北一里周迴三十三里今廢

龍安縣城

南康志龍安縣城在建昌縣南六十里周迴二里唐高祖

時以建昌縣置南昌縣並立龍安縣今廢爲龍安驛

落城

南康志落城在建昌縣南一百二十里西依岡阜之勢東臨州城長溪南

西北三門城後猶存周迴二百有餘雉傳是古靖縣城今廢

孫慮城

南康志孫慮城在建昌縣南一百里城南門有青石

井約深十丈冬夏不涸其史云慮字子智權第三子黃武七年封建昌侯因築此城舊志云城尚存唐武德五年於孫慮古城立孫州八年廢輿地

紀勝孫慮城在建昌縣孫權第二子築

九江府城

九江志府城周圍九里一十三步享祐江州圖經志老子曰國

之利器不可以示人城郭甲兵之謂也故郡志惟城與兵書不必備不備乃所以爲備也蓋城基於漢顯陰侯嬰增於武帝曠修於本朝呂御史譔

池浚於唐李補闕渤而固於張又新韋珩當時未嘗著其功渤至以築隄便行旅爲辭雖史臣亦莫識其意臣子忠厚固宜爾也近代名勝來守是

邦完嬰補隙庶幾無負委寄而志者不察其盛心乃毛舉寸記甚者誇一時之役則舉前政而詆之豈非無故示瑕也哉予於諸賢遺蹟皆不敢泯

其舉其凡使觀者可以自會而城之高厚方廣池之深闊源委皆未敢書焉州城漢灌嬰所築金口城也高帝六年城池北阻大江西帶金口東

南引廬宮諸水遠之。晉置關。在塗口。開宋末武帝增浚築。時奉晉安王寶孫。益城。為控禦計。指在形勢。類齊梁時與尋陽遠為治所。晉安王子懋舉義。王玄邈來討。子懋據益城拒之。陳顯達為刺史。實鎮焉。地。齊末陳伯之治尋陽。梁武帝襲之。伯之遷據塗口。至侯景之亂。尋陽王太心欲依險固。復歸益城。後為景將任約所破。梁元帝遣王僧辯平約。復之。陳侯瑱到江州。即城為鎮。唐李渤堰廬宮諸水及溪渚。遠為甘棠湖。張又新韋斯皆培之。李肇又即堤種柳。號障風堤。自是西南皆湖。藝祖下江南。獨江州以村則負固。蜀中微始起。建城三尺。自是不復修。嘉祐中呂誨奏修城池。宋隆云川廣州軍。近于皆修城。要。實居安之遠慮。竊見東南。唯江寧府近日修城。臣到任經管。將為首務。蓋江州據三江之口。東北去江寧千餘里。水陸十數路。舟車所聚。實為衝會。其險阻通江寧達蕪。復在上流。已屬正當其衝。真用武控守之地。不可不為遠計。蓋朝廷自宋只為開懷州軍。多以兵廢之人處之。以是城要固備不著。大非經久之事。欲乞漸次修完。本州自有望務兵匠燒磚。山林至近。薪易得。不事民力。即無勞費。伏望指揮。詔從之。又奏乞就差管公望為伴。委以城役。又奏云伏覩東南郡。全無武備。蓋治平日久。因循玩弊。如江州據江湖之口。二巴二蜀。沿汴上下。及其津

渡驛置。可謂所衝要之地。臣自到任。首觀地形險固。久來頓兵。城池不
完。恐非安便。比中奏蒙旨許。今繕治。又乞存留廣寧監沙眼錢。及招宣毅
軍餉物。前後四奏。言甚力。由是城壁復堅。建炎賊李成自十月來攻。至明
年三月不克。會糧盡。居民空圍而出。賊遂入據。賊平。城池故完。開禧中。徐
誼陳謙增修女頭。嘉定中。袁燮趙崇憲增修城。陸子虞初建敵樓。羊馬壩
寶慶初。楊紹雲增建紹定中。陳阜修女頭及城脚。開墾造吊橋。嘉熙中。陳
壇增築月城。作南康門。羊在郡六年。有功於城池。以苗脉自東門來。難於
浚。遂開墾以屏之。城五門。東北朝宗。趙京迎詔路。有起瞻望春二亭。西
益江東南福皇。外有月城門曰南康。西南德化。北九江。以上皆有樓。子城
在益城西北隅。周四里。南爲麗譙。揭定江軍額。建鼓角。置漏水。隆興間。增
兩角樓。唐文若增又呼匠樓。趙崇憲更造。前列宣詔額。春二亭。李璵譙樓
記。尋陽始治新泰之蘭城。在江北。晉元康初。今豫章十郡置江州。永興又
置尋陽郡。咸和末。溫嶠自江北徙益城之南。梁大清中。蕭大心又徙益城
是也。或曰。益口城。漢高帝六年。灌嬰所築。尋陽在昔爲江東要衝。宜英臺
卽意經理也。自南北分裂。歷晉至陳。號爲重鎮。與荆陽比。唐以州隸江西。
觀蔡希範。本朝建炎升定江軍節度。威體如大諸侯。城關門閤必青其樞。

先是州被詔修城。採厲築削役更數歲。及是告功。列雉歸時。隱然江濱。惟
 銀門獨故。與新城不稱。甚非所以崇藩屏而揚等威。趙侯以吏部郎來
 守。振弊恤隱。即除具舉。載營載廬。撤而新之。材取於宜春。工募於豫章。爲
 屋七楹。東西異各三基之衆。視舊有加。費悉出少府掾納之餘。作於壬申
 仲冬。成於癸酉季春。予以嚴詔書之布宣。謹政令之出入。觀雲霞以占妖
 祥。運翠臺以定昕夜。觀示吏民。延納客便。有於體焉。應。方將大合樂。集賓
 僚而落之。屬余被命遼朝。道出郡下。得與無席。嘗試與侯憑閣瞻望。則康
 廬雲山之鬱盤。長江波濤之蕭薄。與大城邑之隱顯。川原之決莽。日星森
 蔚。煙霞吐吞。豈特爲一方環峙之觀。而增面勢之偉傑。補風氣之虧缺。此
 尤州之人士所共誇詡而談託也。酒酣。侯屬余記。余不敢辭。切嘗考諸古
 天子門五。率車雖惠路也。諸侯門三。庫雖路也。經傳之說。班班可考。大抵
 諸侯不得有車應。詩云。迺立車門。車門有仇。迺立應門。應門將將。釋者謂
 詩人美太王之有作。文王之興而大之。周有天下。遂定天子之制。其實太
 王之所作者。國之郭門與正門耳。仇。高也。將將。嚴正也。太王避狄居岐。建
 國之初。其立門之制不無於高且嚴。豈非事繁政體雖力役之殷。不爲厲
 民。與鄭康成獨以爲諸侯有車應。而天子加庫雖。與諸家之說抵牾不足

儀也。表諸侯臺門以高爲貴。門各有臺。所以尊臨於一邦。習見於上下之分。屏路者。府庫路寢所在也。雖猶治也。治制所在也。各立制存。禮不可廢。然雉門兩觀。未見見微於春秋。蓋雉門。諸侯守立。所以識者。非兩觀毀。則詔即因立門。許段鳩極制亞細。使守臣司之。所以祇天子之詔。余非徒爲二十石等重設也。古今異制。不可以一律言。今侯所建立。在古爲難。於今爲難。衆通其宜。月爲訂此州建置之跡者。古今門制。豈復政之善。以記。漏及鼓角浮柝中更造。吳潘令具各林可大造。孔平仲詩江城作九江非吾土。又寓忘羈栖。丘墳之所宅。營此亦安歸。錢官最閑暇。因得治其私。松楸鬱在望。特復至郊圻。駕言上東原。藹藹晨露晞。草木新過雨。秀色可療飢。念此道傍民。散居在山蹊。新秋百物熟。入城各有漿芋。蓮紫卵壯。薑抽紅笋肥。饌香憶烹鯉。指白想流匙。養生無不有。美味仍及時。此上逸可老。行當結茅茨。雲水有深約。塵埃無盡期。人生適意耳。富貴亦何爲。王逢原詩江城酒熟賤賣一本作買醉江人提魚不到市。平道得錢相買本作歸和歌。新倒子扶相枕睡。江南山高不見天。江北水遠無復地。馬驚墮崖舟舊本作船覆波可惜行人死聲利。張文潛詩江城江城寒食近。風雨作輕寒。花落已可惜。春水猶怯單。畏人成不出。已老自無權。沽酒全明。

道。回頭十五年。劉克莊詩。江城過了元宵景自佳。東風輕拂酒旗斜。江城可是春先到。已有盈街賣杏花。陳必復詩。夜發江城。移舟別浦待潮生。客子忽忽又夜行。雲趁遠帆離島岸。風傳疎角過江城。憂時課草嗟無用。愛客燈花喜有情。愁甚不堪親友別。小窻張酒到天明。董嗣安廬山集。寄江城口占四首。夢魂蕩孤舟。波聲塞兩耳。不眠聞管絃。方悟江城裏。曉留又思歸。便歸亦爲客。見船心又酸。幾阻津頭柵。踟躕歲事空。次第春風起。雪消夕陽平。徹底清江水。紙閣背風樵。地爐向陽掘。指掌傲窮冬。浪出又半月。寓江州西城。奔忙夢落富池程。歸北蘆。蘆花灑城。有石醉來新月生。無家吟逐亂雲行。永遺母線寒針在。曉起公山曉陣鳴。都屋酒香堪洗恨。擬栽松菊傲湖明。江城口號二首。定江軍門擁雲氣。廬山面目長相親。聞且所待止一怒。墻壁何恨粘歌謠。此郡境有彭澤縣。湖明曾遺晉時蹤。三徑莫知在何處。且撫官園千尺松。泊江城下。雪後抵江城。江雲轉凝注。我舟漾沙淺。煮酒禦沈霧。少年謬誤多。今謬亦如故。年湮無藥挽。如水必東注。失笑白司馬。曾與商婦遇。空亭自水際。知機有飛鷺。懷想何能已。坐見暝色赴。撲被且入郭。東顏更遲暮。早泊江城三首。俗務脫始輕。病體自然愈。今朝泊船早。消搖大江濱。前林青芒

回。衆芳錦唇吐。廬山知幾峯。聞皆曉星數。下江逢好春。入城賞新霽。十
花春有機。四望天無際。老蒿不語還。悔跡得少憩。參曉且窮探。豈顧跋涉
滯。歸棲藉知舊。相視絕秦越。無言嘆生浮。塵鞅磨歲月。數時苦馳騖。百
計學休歇。芒鞋走廬峯。振泥挑蘆葦。江城與秋巖同賦。江柳青青暗
古津。悲歌不獨是商人。愁生獨醉重闌曉。夢破相思故園春。聲迹衰逢難
應世。山林枯朽易全身。歸期渺邈徒懷想。怨鳥花梢叫月頻。留江城

灌城眠食嘆羈身。憑曉偏驚索鏡心。南紀山川秋望遠。西湖風月夜懷深。
功名鬼妬投機罕。詩酒天真絕侶尋。陳跡自應還料事。斷鴻信杳況雲陰。
留江城將還富池 吟斷悲秋字。愁歸餞鴈筵。天荒鵬路絕。盆城

水落鴈汀懸。白羽沈郵箭。滄江負釣船。投閒須有日。惠順且添年。
輿地紀勝晉成帝。移江州治盆城。又韓文。除官赴闕。至江州。寄鄂岳李太
夫詩。盆城去鄂渚。風便一日耳。注盆水。今在江州。類說青溢山有井。形如
盆。因號溢水城。曰溢口城。能改齋漫錄。張僧鑒尋陽記云。溢口城
溢城。浦曰溢浦。

溢口城

漢灌嬰所築。漢建平中孫權經此城。今

鑿井號
為浪井。

古趙屯城

太平寰宇記古趙屯城。在縣東北二百
五十七里。典籍不載。古老相傳趙屯城。懷

玉城

輿地紀勝懷玉城孟懷玉義熙八年遷治尋陽所築在今州城之西一十五里。尋陽縣城尋陽

志尋陽縣城在德化縣

唐武德五年置八年廢

半洲故城

元和郡縣志半州故城在德化縣西九十里。郭

默城

元和郡縣志郭默城晉咸和四年後將軍郭默殺平南劉嗣叛於此城陶侃討默築以攻之默乃以布囊盛米為壘以應陶今

稱云陶公壘

巢湖故城

元和郡縣志巢湖故城在德化縣東四十二里按楚有二巢在廬江六縣其南巢築所故

處蓋此地也

柴桑故城

元和郡縣志柴桑故城在德化縣西南二十里又郡志心桑落洲在德化縣東北二十五

里太平御覽尋陽柴桑縣城晉永和有童謡呼為平石城時人僉謂平滅石之徵也後桓玄篡位晉帝為平固王恭帝為石陽公俱遷於此城

康王城

述異志廬山上北嶺有城號康王城天雨聞鼓角之聲傳云周康王好音果巡名山故有康王之號。南郡

城

述異志尋陽張允家在本郡郡南有古城張少貧約屢往遊憩忽有一老公來與張言因問之此城何名答曰吾不知為郡南城耳言訖

便去。不知所之。張既出官仕進。累遷位登元凱。

德安縣城

江州志

後為南郡太守。即以城號。以志老父之言焉。

瑞昌縣城

江州志經志瑞昌縣城。舊周七里。西南臨龍泉。及盆水門。四迎薰。而長庚。西通江。北通德。東

湖

口縣城

江州志經志湖口縣城。舊周七里。東西二門。

彭澤縣城

江州志經志舊周七里。即

山為城。紹定中。章劼修築。山之闕者。嘉熙中。趙崇侯加甃門三。匯東臨江。

東門南門。並依山。諸葛興記。

自秦建九江郡。歷代沿革。非一。而中流

要為重鎮。屬邑離合不常。而彭澤要為望縣。禹貢東匯澤為彭蠡。邑名蓋

取諸此。然則其源古矣。晉靖節唐狄公。皆嘗令是邑。迄今仰高風而跂遐

躅。故彭澤地望視他邑尤以人為重。然近歲井里蕭條。規模偏陋。東南二

門。日漸摧圯。北瀕大江。實藉城壁。而頽垣廢址。蕩然不存。嘉定壬午。章侯

來蒞。慨然有作興之意。弦歌之餘。猶出心計。幹薪取資。乃脩二門。乃築城

堞。又創江樓。扁曰匯東。江山勝狀。軒豁呈露。顧瞻邑治。層巒疊嶽。峯巒

繞三面回抱。其東北則小孤嶺立。澄瀾如練。風帆浪舶。或錄岷漢踰萬派而來也。東望則順流滔滔。距行都千里。使人懷子牟魏闕之心。直北則長淮在望。平蕪渺渺。慨神州之久隔。使人興中流擊楫之念。若夫春和景明。有岳陽之勝。驚飛霞落。有滕閣之觀。涼夏草之清風。東漁叢之暮雪。四時之景。俱足以舒旅懷而動詩興。云云。頃歲邊方繹騷。聲聞江右。而是邑為切要。豈容不嚴備豫。云云。乃今門闕城壁。既足為捍敵計。若察姦民待暴客。固亦義民者之先務也。

涪州故城

元一統志涪州故城。紀勝載。在彭澤縣。唐武德中。李大亮於此置涪州。八年州廢。移縣入此城。南唐復遷於江次。

撫州府城

撫州府志。郡城舊宋有九門。北門。東門。南門。赤南門。西門。前元塞鹽步門。止存八門。

本朝

只開四門。東曰文昌。南曰順化。西曰武安。北曰進賢。皆重樓疊拱。高廣雄壯。

各門外又為外城。迴護其城門。上亦有樓。南西北有弔橋。夜則懸起。朝則放下。唯東門有文昌橋。遂不置弔橋。城下有路可馳馬。臨壕環繞。皆種樹稠密。城周圍一千七百九十八丈四尺。梁頭二千九百七十四箇。樓鋪亭臺一百四十五座。城高約二丈五尺。羅山志。祥符圖經載。縣城周圍二

百八十七步。今無城。圖經又謂縣今廟宇在縣城內。則環繞縣治二百八十七步之內。皆城基矣。臨川志。郡國居內地者。無敵國外患。城池多發闕。昔者聖人作城郭以衛民。豈惟設險守國而已。重門擊柝。以倚暴客。蓋取諸豫備豫之道。無內外遠近之間。歷觀碑志。吾州自昔。大率必因搶攘。乃旋議城築。曷若清平之日。先事豫防。賊乃盡取五邑之境。古今諸城興廢之跡。廣記備錄。使主民社者。春容覽之。常為謹固封守之計。以逆防四郊之多。臺閣假之日。可以觀政。膠輅之際。可以保民也。古城在西津外赤岡。今城唐寶應間。刺史王國遷。至中和末。刺史危全諷興築。址廣三畝。高兩尋。長十五里二十六步。有金鑑。修城記。南唐昇元間。太守周弘祚修之。聞之。建十三門。門各有樓。加長五里。濠深及丈者三。廣則六倍。有奇。有詩。外城記。建炎初。太守王公仲山補葺之。紹興中。張公浚重修。僅存九門。紹定庚寅。汀邵寇相挺犯境。太守黃公炳再加浚築。城之高廣如金鑑。弘祚濠之深闊。則視昔不啻數倍。蓋自中和以來。所未有。甬三十載。城日就頽圯。景定癸亥。太守家戶部坤翁補葺城。與門之壞者。有外城記。州城九門。東朝宗。舊名通遠。立文昌橋。東南清風。俗謂鹽步門。乃水門。即鹽之地。王荆公舊居在焉。詩有鹽步庭園。張敬守之句。東南奉明。溪有橋。東南金鑑。

漢有橋。南順化。漢有橋。越橋。書走相傳。爲前蘆城。舊址。蓋此乃郡山來脉。而漢不容深。故築此以護城。西南豐安。漢有橋。西迎恩。漢有橋。北進賢。漢有橋。東北安仁。五來津渡。已上門各有橋。子城刺史危全諷。自郡城之西。陸徙於此。周一里二百二十二步。有金風及張休和所爲記。太守張公混。修之。仍建門三。亦各有樓。太守家戶部坤翁重修。子城三門。子城。臨州城。西。故無西門。東承春。與雄樓相互。南通教。以其通諸營也。北望雲。以其地勢高也。唐撫州羅城記。夫開物成務。聖人馭世於通規。保大定功。諸侯因時而善治。醇龐既降。智慮萌生。物率結繩之約。城有重門之警。國崇雄堞。境藉金湯。物理固然。其來尚矣。且如東四方之用。行五等之道。酌損益於未兆。裁取捨於永存。總括冲機。富有大業。者則羅城版築。久逸暫勞。千載一時。義斯見矣。諸言其實。國家自貞觀甯平之初。文軌均化。于羽率服。武事解備。邵墨夷沒。間者天寶建中之亂。或累起兩河。或毒流三輔。江漢之外。撓搶殆微。故支郡屬邑。封閉而已。洎先帝幼冲之始。數丁九六。物極也難。長鯨吞壑。以橫流。大瀛玄黃。而噫氣。饑饉仍荐。兵戈重復。暴骸遍野。游魂慘天。人煙斷絕。羅網莽爲丘墟。繁毒馮陵。松楸斬爲干盾。天涯地角。邈然喪亂之事。丘甸要荒。紛如征伐之苦。臨川古爲澳壤。關曰名區。野

農桑俯津闡闢。北接江湖之脉。賈貨駢肩。南衝嶺嶠之支。豪華接袂。既而封豕陸發。鐵鷲攪碎。相視爲盜。割據而逞。連廷數載。羅列

綠綸掛

品節既慢。汝南危公。挺英逸之資。運匡濟之畧。倡起忠義。志惟掃平。初黃天感。彌聚歡踴。衆踰數萬。兵勢珍熾。勢摩中原。刺史李公

先爲曹選

始借劇號。大署偏屬。其餘孽蛋妖壘。互相支屬。犬牙魚貫。肘跗編約。莫不競好。兇吻爭踐。

王師出征。北比而北。總戎

錢外壤。公爰初誓

衆。靡盈數隊。兄弟親受。冀以從焉。勵力一致。所向神速。誠明激天。故恢廓

由是兇邪清辟。次第潔雪。不五六稔。諸惡畢拔。殪慕送款。飲清歸轍。

不可勝旣。公擒從之外。按舉無必。推誠以同。務剗刻蠹。舊初成。指揮而化。二道。馴致勤王之事。務疲蕭挽。養瘡痍。誘運遁逃。復耕種。凡據鞍甲。

蒙矢石。引少擊衆。環攻塵戰。不綽銳。暖席。涉手七載。破品洞。擒酋豪。偃

中和五年

戈。析踰二十筭。四邑以之康定。鄰疆自因慄伏。

之詳。所以非其時。無以彰其

三月。下明詔。假符竹。褒美成節。慰安井閭。於戲。物不終否。天樹司牧。亦明夫。當拱天闕之際。孰知其故。

才。微其用。不能靜其亂。偉夫忘身循義。大節橫秋。氣凌丹霄。精貫白日。其

中正之行。

義士子來推

剛悍

鑠絕。虺蜴。其武烈也。寬以得

衆靜而有法。導德齊禮。敦本今古。其文昭也。舉善遏惡。先教後令。去不急之務。流洪彰之名。其政術也。四者立而衆美附之。餘張而百姓服。鼎新網紀。草創廟署。于時乘輿暴露。海內沸。兵不遏。地靡有定。公檢制之中。收今日始末。直接棟惟謹。然鋒彼皆炫惑於狼心。我豈因循於雄傑。所謂大君憂寄。

在守土赤子。作投豈忘城壁。苟無悍閉之所。有如緩急之事。外乃倫預五材。經營百堵。目運心匠。規今矩定。金甌取勝。鐵甕事奇。荷鍾蜂橫。舉杵雷興。而膠固無執撲之勞。非奪農之志。崇崇帶遠。他山之秀色爭來。屹屹雲平。列岫之祥光俯燭。歲在丁未。律中南呂。始事冬十一月訖。去奢也。周十五里。高二仞。酌中也。敵八門。通馳道。使事也。古人有言。大夫出疆。以利國家爲已任。賢者處世。能安社稷是盛業。荆夫九圍多難之日。失馭之年。一呼而豪。再而領網振。不驕矜以仕欲。能得節以茂績。衆心咸感。一德化俗。其勤也。杜當陽之武庫。叔廢之嘉謠。漢宣帝每云。所欲共理天下者。惟守宰而已。今天步未康。去疾。有一於是。東顧之勞可罷。有十於是。太平之作可待。異時登天朝。異景命。舒之於五侯九伯。表之於烟閣麟臺。濟時策勛。在我昇穀。豈惟撫城獨稱不朽。豈惟撫民獨居多祐者哉。保和謀當殊遇。詳具美。奉命紀錄。顧慚不文。大順

元年

大唐撫州新修羅城記 管驛巡官掌表奏張青光祿大夫檢

校左散騎常侍御史大夫上柱國黃德懋撰天分二曜。明乎晝夜之規。地裂九州。定乃高卑之位。厥貢爰推於任土。開疆旋底於來庭。

昇元

四年。太歲庚子十二月七日立。中書將軍金紫光祿大夫檢校太僕寺卿

撫州諸軍事守撫州刺史上柱國汝南縣開國子食邑五百戶周弘祚

張保和

新移子城記

八卦成列。象在其中。聖人則之。剛柔險易動靜悠

促。亦皆備矣。是則金木水火輪移消長。乾坤震巽羅列高下。揆情傷至于

玄近。稽微闡極于大成。蓋有有無不有矣。物物無不物矣。至如舉一趨百。

制通應遠者。有夫光宅焉。宅天下者。嶠維之強。殿宅邦邑者。闡阜之勝。幾

宅閭巷者。隆坦之宜。歟。自穴居至于大壯。猶推輪形於玉輅。其必如此。按

撫之郡度。初際于亥壬。綿歷年代。寶應中。太守王公國以其勢卑於鄧里。

疑悍民而沮長。因徙于西陽。自爾亦匪厥中。觀夫用往而非剛。虛右而擁

左。總詳其朕。則二千石列郡。比比有不逮者。是其事矣。天中中。刺史蔡

公京審乎三地。思事再華。以勞費滋廣。意行力止。乾符中。巨盜起梁宋。兵

火照天下。干戈日用。屠雜蜂起。畿甸失禦。郡邑曠守。斯時也。豺狼塞路。瓦

礫遮轍。比之官舍。素如焚。如荆蒿蒙春并野一色。洎汝南危。公奮長劍。倡